



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 59. Morillonius Bajum accedens, ejusque cum ipso colloquium.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

adventus Patris Angeli Averfæ Com-
 missarii, cui data est potestas, ut nul-
 lum superiorem nisi a Baji sententiis
 alienum ad quodcunque officium ad-
 mitteret.

Sæcul. XVI.
 A.C. 1568.

§. LIX.

*Morillonius Bajum accedens, ejusque
 cum ipso colloquium.*

Mense Majo Morillonius Cardinalis
 Granvellani, quas acceperat, lite-
 ras Ravesteinio, Janfenio, & Bajo trans-
 mittere jubebatur: itaque hanc obrem
 ipse ineunte Mense Junio Lovanium
 contendit, hosce Doctores invisurus.
 In hoc colloquio Bajus, quod indicta
 causa condemnatus fuisset, quereba-
 tur, simul hæc addens: „articuli per-
 „peram sunt extracti, prout facile con-
 „stare potest, si illi cum libro meo con-
 „ferantur, imo eorum nonnulli in Bul-
 „la continentur, quos tamen nunquam
 „docui: insuper Pontificio diplomate
 „deciduntur articuli semper inter vete-
 „res controversi, unde timendum, ne
 „contra hanc damnationem aliquando
 „nonnulli calamos suos acuant.,, Ad
 „hæc Morillonius: „miror, quod hæc
 „proferre audeas, tantamque animi ve-
 „hementiam ostendere præsumas. Post-
 „ea idem Vicarius denuo eas, quas an-
 „tea Bajus exposuit, querelas refel-
 „lens

*Lettr. de
 Morill. a
 Granvell.
 20. Juin.
 1568. Bajan.
 t. 1. p. 71.*

Sæcul. XVI „lens hæc subjunxit: ipsemet liber tuus
A C. 1568. „contra te clamat, hinc sufficit illum
 „perlegere; clara enim sunt illius ver-
 „ba, fatisque tuam doctrinam indi-
 „cant: quod autem articulos exinde
 „perperam depromptos esse dicas, an
 „verum sit, ex Bulla, & libro tuo con-
 „stabit: immerito autem quereris, quod
 „hæc Bulla propositiones, quæ tuæ
 „non sunt, contineat; id enim potius
 „in causæ tuæ favorem factum est, in-
 „deque patet, quod hoc diploma non
 „contra te solum fuerit editum, prout
 „ibidem sat manifeste declaratur: por-
 „ro circa illos articulos, qui omni tem-
 „pore inter Theologos erant contro-
 „versi, sum certus, sacræ Sedi sat co-
 „gnitum fuisse, quid vel non damnare
 „debeat, insuper aliunde fateri cogeris,
 „quod tua doctrina a Facultate Theo-
 „logica Parisiensi, necnon ab omnibus
 „Hispaniæ Universitatibus, atque etiam
 „a pluribus Romanis Doctoribus fuerit
 „proscripta: quinimo tua doctrina non-
 „nullis Tridentinæ Synodi Patribus of-
 „fensionem fuit, prout ipsemet in præfato
 „Concilio testati sunt.„

His propositis demum Morillonius
 Bajum vehementius redarguebat, cum
 dixisset, quod aliquando nonnulli
 suos calamos adversus hanc Bullam a-
 cuere possent: unde eidem exposuit,
 horum

Sæcul. XVI.

A. C 1569.

horum temeritatem ipsius culpæ impu-
tatum iri, siquæ scripta contra hoc di-
ploma in lucem ederentur, unde fieret,
ut ipse sibi exitium pararet, & summus
Pontifex hoc ausu summopere irritare-
tur, prout facile sibimetipsi persuadere
posset. Postea multis aliis sermonibus
ultro, citroque habitis Bajus Morillo-
nio fidem fecit, sibi haud notum esse,
utrum nonnulli suos calamos contra
hanc Bullam stringere vellent, ipse vero
se id nunquam facturum pollicebatur,
imopotius, impediturum eos, qui ejus-
modi scripta evulgare meditarentur, si
id per ejus vires liceret. Facta hac spon-
sione Bajus demonstrare nitebatur, quod
ex suis propositionibus plures proscribi
haud potuerint, quin simul Ecclesiæ
Patrum doctrina damnaretur, quam in
rem quædam sancti Augustini testimo-
nia allegare cæperat: verum Morillo-
nius illum tempestive interrumpens re-
spondit: „non huc veni, ut de tua do-
ctrina judicem agam, vel tuam re-
sponsonem hac super re excipiam:
„de cetero autem Regis voluntas, ac
„consilium est, ut in omnibus ditionum
„suarum Universitatibus ubique eadem,
„ac consona doctrina, docendique me-
„thodus observetur, nullaque opinio-
„num dissensio toleretur.„ His dictis
Vicarius Generalis ex Bajo sciscitaba-
tur,

Sæcul. XVI.
A.C. 1568. tur, utrum resilire velit a primo proposito, quo se obtemperaturum proponit summo Pontifici, qui omni ætate tanquam solus doctrinæ Judex habebatur, cujus quoque judicio quilibet probus Christianus sese submittere tenetur. Ad hæc Bajus nil hæsitans respondit: „quamdiu vixero, me obedientiæ Filium exhibebo, idque semper ore, & corde profitebor, semperque in hac voluntate perseverabo.” Hoc testimonio contentus erat Morillonius, cui tamen injunctum est, ut Bajum ad disertam proscriptarum propositionum ejurationem induceret: verum in hoc colloquium diutius protrahere haud voluit, prout ad Cardinalem Granvelanum perscribebat his verbis: *cum ipsum scilicet Bajum summo dolore, ac penitentia obrutum cernerem, ipsi abjuratorem proponere, aut ipsum a me dimittendum prius petita absolutione haud consultum mihi tum videbatur, quamvis reipsa omnino a censuris absolvi indigeret: verum quantum hominum animi tantopere sunt agitati, fortius est aliquamdiu id differre, quam magis irritare, vel exacerbare.* Data est hæc Morillonii epistola die vigesima Junii.